

تلفون ۱۰۹۷

امور اداره و تحریریه و اعلانات و سائرہ
ایچون مدیر مسئلہ مراجعت ایدلیدر .
عرفای امتک مقالات متصوفانہ لہ
جریڈہ صوفیہ نک صحیفہ لری آجیدر .
درج ایدلیان اوراق اعادہ ایدلز .

حجر الایضوفیہ

شیدیلک هفته ده بر نشر اولور .

نسخہ سی ۴۰ پارہ در .

ابونہی: برسنه لك اعتبار لہ ممالك عثمانیہ
ایچون پشین اولورق ۴۰ آلی آلی ۲۵
غروش و ممالك اجنبیہ ایچون اون ا یکی فرانقدر

محل اداره باب عالی جوارندہ ابوالسمود
جاده سنده نجم استقبال مطبعمہ سی

سنہ — ۴

تصوفی ، دینی ، اخلاقی ، ادبی ، سیاسی جریڈہ اسلامیه در .

عدد — ۹۸

لیلہ مسعودہ برات فیض غایات

دون کیجہ لیلہ جلیلہ براتہ شرفصاف مبارک برکیجہ ایدی . مقربین ، خواصین ، مؤمنین خالصین تابصباح تحمید و توحید
ذوالجمال ایله تنویر قلوب ایلشردر . جناب فیاض اعظم بولیلہ مسعودہ حرمتہ خلافت اسلامیہ ی ، دیار آل عثمانی ، بالجلہ
دول اسلامیہ ی الی الابد محافظہ بیورسون ، خیرلر ، خیرلی استقبالر احسان ایلسون آمین

جریڈہ صوفیہ

راعیدر . اوده او رعیه سندن مسئولدر: الحاصل طوپوکز راعیسکز
ورعیہ کزدن ده مسئول اولاجقسکز !! »

حدیث شریف

(۲)

ایہاالناس انماالدنیا عرض حاضر یصیب منها البر والفاجر وان
الآخرة وعد صادق یحکم فیہا ملک قادر یحق بہا الحق ویبطل الباطل
ایہاالناس فکونوا ابناء الآخرة ولا تکونوا من ابناء الدنیا فان کل ام
یتبعها ولدها اعملوا واتم من الله علی حذر واعلموا انکم معروضون
علی اعمالکم وانکم ملاقوا لله لا بد منه فمن یعمل مثقال ذرۃ خیراً یرہ
ومن یعمل مثقال ذرۃ شراً یرہ
« رواہ الطبرانی عن حسن : »

مال عالیسی :

« ای ناس ! دنیا آتجق احضار ایدلش برمالدر ، صالح وفاجرہ
آدن اسابت ایدر : محقق آخرت بر وعد جلیلدر : اورادہ حق
احقاق ، باطلی ابطال ایله ملک قادر اولان حضرت آلہ حکم ایدر :
ای ناس ! ابناء آخرت وسعادت اولککز ! ابناء دنیادن اولہ یککز !
شہسز هر بر آناک چوجنی کندینہ تابعدر : اللہدن حذر اوزرہ
اولککز ، صکرہ ایشیکزی ایشیککز ! ای بیلککز کہ : سز عملارکز
اوزرہ معروض و محشورسکز ! وجناب حقہ هر حالہ او عملاردن طولای

مسئولیت وعہدہ وفا ختمدہ احادیث شریفہ

(۱)

کلکم راع وکلکم مسئول عن رعیتہ فالامام راع وهو مسئول عن
رعیتہ والرجل راع فی اہلہ وهو مسئول عن رعیتہ والمرأۃ راعیۃ فی بیت
زوجہا وهو مسئلة عن رعیتہا والخدام راع فی مال سیدہ وهو مسئول
عن رعیتہ والرجل راع فی مال ابیہ وهو مسئول عن رعیتہ فکلکم
راع وکلکم مسئول عن رعیتہ

« رواہ احمد والبخاری ومسلم وابن داود والترمذی
عن ابن عمر ورواہ الخطیب عن ثابت : »

مال عالیسی :

« ہیکز راعیسکز ، باقیجیسکز ، ہیکز باقیدیسکز شیدن
مسئولسکز ! پادشاہ راعیدر . رعیه سندن مسئولدر : کئی اولاد
وعیالہ راعیدر . آدن مسئولدر . قادین قوجہ سنک اوینہ راعیدر .
آندن ده مسئولدر . خدمتچی آغاسنک ، افندیسنک مائندہ راعیدر .
اودہ رعیه سندن مسئولدر . کئی باباسنک واسلافنک برافدینی مال و آئاردہ

ملاق اوله جقسکز! ذره مقداری ایلیک ، ذره مقداری فنالق ایشلیانده
ملاق اوله جق !! » .

(۳)

اذا رأيت الناس قد مرجت عهدهم وخفت اماناتهم وكانوا هكذا
وشبك بين انامله فالزم بيتك واملك عليك لسانك وخذ ماتعرف ودع
ماتنكر وعليك بخاصة امر نفسك ودع عنك امر العامة .
« رواء الحكيم عن ابن عمرو : »

مال عالیسی :

انسانلری عهد و وعدلرینی ایفایتمز اولمش ، قیمت امانات یانلرنده
اعتباردن دوشمش — رسالتآب الیرینک یارمقلرینی بربرینه کچیره رک —
هیبسی بویله بربرینه کچمش ، قارمه قاریشیق بر حالده کوردیکک
وقت آرتق نأونده اوطور ! دیلکی طوت ! کندینه عائد کوزل
کوردیککی ایشله ! چیرکین کوردیککی براق ! یالکیز کندی ایشک
وکوچکله مشغول اول ! امور عامیه قاریشمه !! . « قلعه سلطانیه لی :

علی حجه

فلسفه

لوامعدن مابعد

وان خطرت يوماً على خاطر امرء، اقامت به الافراح وارتحل الهم
(خطرت) کوکلدن برشی کچمک معنانه اولان خطر ، و خطوردن
ماضی مؤنشد . (خاطر) قلبه وارد اولان شی معنانه اولوب اوندن
بورده ذکر الحال واراده الحل مجاز قیلندن اولق اوزره قلب مراد اولمشدر .
(به) دهکی باء فی ، معنانه در ضمیر مجرور خاطره راجعدر یاخود باء
سببه اوله رق ضمیر مذکور ، خطرت ، فعلندن منفهم اولان خطوره
راجع اولور .

بیوریورکه اکر برکون اوباده نک یادی برجواتمرد آزاده نک
ساحه خاطرینه خطور ایتسه ایدی اوحرمد مجاور بولنان حزن و الم
کوس رحلتی اورور و اوساحده مسافر اولان شادی و راحت ،
هان قصد اقامت ایدردی .

« رباعیه »

ازباده عشق غصه بر باد شود ویران شده حادثه آباد شود
بر خاطر غمگین گذر شاد شود داندوه و غم زمانه آزاد شود

باده عشق تأثیریه کدرلر بر باد و حادثات دهر ایله ویران اولمش
یرلر آباد اولور و خاطرندن مصور باده کچمش اولان غملی برادم
دخی مطلقا زمانه نک غم و همدن آزاد اولور .

« لامعه » علم و شعورک امورده تعلقی ایکی وجه اوزره اوله بیایر . بری
معلوماتک ظل و صورتک حصولی ایله در شویله که زید و عمروی کوردکده
ذهنکده بر صورت مخصوصه حاصل اولورکه اونلر سنک نزدکده ایشته
صورتله ماعدلرندن ممتاز اولورلر . دیکری ذوات معلوماتک حضوری
ایله در بوده نفس ، جوع ، شبع ، شهوت ، غضب ، محبت ، عداوت ایله
متصف اولدقندن صوکره اونلره تعلقی ایدن علم کیدرکه بو علم و وجدانی
و ذوقی در . شبهه سزدرکه محبت ذاتیه نک وجه اول اوزره برزاندن
ایشتمک یابرکتابدن اوقومق ، یاخود کندی فکرکه اکلامق طریق
ایله قلبه خطوری و قلبک اوکا شعوری مقبول بر صورتده مشعر سعادت
موجب کرامت دکدر . بایکه سعادت جاودانی ، کرامت دو جهانی
اونده اوله بیلیرکه حق سبحانه و تعالی حضرتلری (ان لربکم فی ایام
دهرکم نفحات) حکمیجه بر بختیار دولتمداره که مجرد کندی استعداد
کلی اصلیبسی و صفاء روحانیت و دوام توجه و افتقار ایله (الافتقار ضوا
لها) موجب اوزره متصل نفحات الطاف ربانیه به متعرض اولمشدر
— تجلیات ذاتی اختصاصی ایله تجلی ایده و اونی کندیلکندن بالکلیه
آله و کندی محبت ذاتیبسی چاشنیسنی اوکا طاتیدره و اوزاتک روحی ده
بو واسطه ایله ابتهاج حاصل ایدوب پرتو روحی ، قلبنه انعکاس ایده
و قبضی بسطه مبتدل اوله و قلب دخی نفسه عکس ایلایوب حزن و اندوه
هان رحلت وانک برینه فرح و سرور اقامت ایله

« رباعیه »

شب بود زکر به چشم من ابر بهار برقی بدر خشید زسر منزل یار
درخانه عیشی و طرب افروخت چراغ درخمن اندوه و غم انداخت شرار

اغلامقدن کوزوم کیجه بهار بلوطی کبی ایدی یارک سرمغزلندن
برشمشک پارلادی ده عیش و شادی خانه سنی تنویر ایدوب حزن و کدر
خرمننه شراره براقدی . شو حالده شیخ ناطمک قدس سره (خطور)
دن مرادی معنای اول اولوب ایکنجی معنی اولق دخی مأمولدر .
ومن الله الهدایة و علیه المعول

مابعدی وار

مدرس

کمال الدین خرپوتی

مقتضیات

حقائق دینیّه مز ، تحری ایدم !

معنوی سفالتلر ایچنده یو وارلنلر اوقادارده مادی فلاکتلردن
قورتیله مایورلر .

غدای روحانی و نصییه معنویه دن محروم اولانلر هیچ شبهه سز
استراحت مادی و جسمانی بی تأمین ایدمزلر .